



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-3-40-298-4/21**
Datum: **07.10.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica, Mesarski obrt, mesnica «Pašalić» vl. Pašalić Amir iz Zenice za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta Klaonice za preživare sa preradom mesa i depoom za stoku izgrađene u naselju Dolipolje, grad Zenica, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu, Mesarski obrt, mesnica «Pašalić» vl. Amir Pašalić daje se vodna dozvola za ispuštanje tehnoloških otpadnih voda u prirodni recipijent sa lokaliteta Klaonice za preživare sa preradom mesa i depoom za stoku izgrađene na zemljištu označenom kao k.č. broj: 524 i 526 K.O. Dolipolje, grad Zenica.
2. Vodna dozvola se daje na osnovu činjeničnog stanja utvrđenog pregledom dostavljene dokumentacije te izvršenim uviđajem na lokalitetu pod sljedećim uslovima:
 - 2.1. Da se upotreba i korištenje predmetnog poslovnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se tehnološke otpadne vode nastale u postupku klanja stoke, prerade mesa, pranjem instalirane opreme, uređaja i alata, pranjem podova i radnih površina nesmetano sakupljaju i odvođe na uređaj za tretman otpadnih voda.
 - 2.3. Da se za vrijeme trajanja ove dozvole obezbijedi da se oborinske onečišćene vode sa platoa, parkinga i manipulativnih površina nesmetano sakupljaju sistemom slivnika i kanalizacione mreže i odvođe do separator ulja i masti.
 - 2.4. Da se izgrađenim postrojenjem za tretman otpadnih voda upravlja na stručan i odgovoran način te da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u krajnji recipijent – rijeka Bosna, zadovolje granične vrijednosti emisija otpadnih voda utvrđene u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.5. Da se sistem objekata za prikupljanje, odvodnju i tretman otpadnih voda sa lokaliteta predmetnog objekta (slivnici sa rešetkama, kanalizaciona mreža, uređaj za tretman otpadnih voda i separator ulja i masti) redovno održavaju i koriste na takav način koji će obezbijediti njihovu potpunu ispravnost i funkcionalnost.
 - 2.6. Čišćenje, pražnjenje i održavanje uređaja za tretman tehnoloških otpadnih voda i separatora ulja i masti te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz uređaja i separatora ulja i masti kao i preuzimanje drugog opasnog otpada.
 - 2.7. Sadržaj (mulj) iz uređaja za tretman otpadnih voda i separatora ulja i masti, otpad nastao u postupku prerade mesa kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotok i na njegove obale.
 - 2.8. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga predmetnog objekta, isti propisno skladišti do njegovog konačnog zbrinjavanja od strane ovlaštene organizacije.
 - 2.9. Da se praktikira suho čišćenje podova i opreme prije pranja vodom kako bi se uklonile organske nečistoće sa radnih površina, trošilo manje vode za pranje i smanjilo zagađenje.

- 2.10. Da se vrši potpuno odvajanje krvi prilikom iskrvavljenja sistemom odvojenog prikupljanja u namjenske, hermetički zatvorene cisterne, a trajnu dispoziju riješiti prema uputama i u saradnji sa veterinarskom inspekcijom.
- 2.11. Da se otpad koji nastaje u procesu prerade mesa redovno odstranjuje iz proizvodnog procesa, odlaže u kontejnere propisane za tu vrstu otpada i u saradnji sa ovlaštenom institucijom odvozi i zbrinjava u skladu sa važećim propisima a prema ugovoru sklopljenom sa istom.
- 2.12. Da se spriječi nekontrolisano rasipanje tečnog i krutog otpada nastalog u depou stoke sa prostorom za privremeno odlaganje đubriva po okolnom zemljištu te da se otpad iz depoa namijenjenog za privremeni smještaj stoke prije klanja, kao i mulj iz postrojenja za prečišćavanje otpadnih voda ne odlaže na česticu «vodno dobro», odnosno u vodotoke i na njegove obale.
- 2.13. Vlasnik odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjernom mjestu u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji.
- 2.14. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.15. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko prilikom upotrebe predmetnog proizvodno poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik kompleksa je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U periodu važenja ove dozvole, Korisnik je dužan provoditi sve mjere i aktivnosti propisane istom.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica Mesarski obrt, mesnica «Pašalić» vl. Amir Pašalić dana 05.07.2021. godine podnesen je ovaj Agenciji zahtjev za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta Klaonice za preživare sa preradom mesa i depoom za stoku izgrađene na zemljištu označenom kao k.č. broj: 524 i 526 K.O. Dolipolje, grad Zenica.

Uz zahtjev je dostavljena sljedeća dokumentacija:

- Ovjereni kopiji Uvjerjenja o poreznoj registraciji obveznika izdatog dana 01.07.2011. godine od strane Porezne uprave Federacije BiH – Kantonalni porezni ured Zenica,
- Ovjereni kopiji Uvjerjenja o registraciji/ upisu u Jedinstveni registar obveznika indirektnih poreza broj: 04/1-17-1-35-459-17/11 izdatog dana 10.08.2011. godine od strane Uprave za indirektno-neizravno oporezivanje Banja Luka,
- Kopija Rješenja o odobrenju obavljanja vezanog obrta, broj: 04-21-3091/11.B.H. izdatog dana 01.07.2011. godine od strane Službe za ekonomske odnose i poduzetništvo općine Zenica,
- Kopija Rješenja o odobrenju za građenje, broj: 12-23-07822/16 izdatog dana 21.11.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o upotrebi građevine, broj: 12-19-6676/20 izdatog dana 25.09.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolinskoj dozvoli, broj: 12-23-2679/16 izdatog dana 22.04.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o prethodnoj vodnoj saglasnosti, broj: UP-I/25-1-40-157-3/16 izdatog dana 04.04.2016. godine od strane «Agencije za vodno područje rijeke Save» Sarajevo,
- Kopija Rješenja o vodnoj saglasnosti, broj: UP-I/25-2-40-575-4/16 izdatog dana 29.11.2016. godine od strane «Agencije za vodno područje rijeke Save» Sarajevo,
- Kopija Rješenja o vodnoj saglasnosti, broj: 05-25-08449-1/16 izdatog dana 02.11.2016. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Glavni projekat klaonice za preživare sa preradom mesa i depoom stoke u naselju Dolipolje, grad Zenica, broj: IX/2016 urađen od strane «IBIS» d.o.o. Zavidovići septembra 2016. godine, a koji čine: knjiga 1 – vanjske hidroinstalacije i knjiga 2 – Anaerobni biološki uređaj za tretman fekalnih i tehnoloških otpadnih voda.
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog poslovnog objekta u naselju Dolipolje, grad Zenica i tom prilikom sačinjen je zapisnik o uviđaju broj: UP-I/25-3-40-298-3/21 od 05.10.2021. godine. Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Mini klaonica sa preradom mesa izgrađena je u naselju Dolipolje u Zenici. Maksimalni kapacitet klaonice je 5 velikih grla ukupne težine 2.500 kg na dan.

U sklopu kompleksa izgrađeni su sljedeći sadržaji:

- Depo stoke sa prostorom za privremeno odlaganje đubriva,
- klaonica,
- objekat za preradu mesa sa administrativnim dijelom,
- prljavo dvorište (prijem stoke i pranje vozila),
- čisto dvorište (odvoz gotovih proizvoda),
- prostor za pranje vozila,
- Radno-manipulativne i saobraćajne površine,
- postrojenje za tretman tehnoloških sanitarno-fekalnih otpadnih voda,
- separator ulja i masti za tretman onečišćenih oborinskih voda,
- podzemni rezervoar za pitku vodu.

Tehnološke i sanitarno-fekalne otpadne vode prikupljaju se zasebnim sistemom kanalizacije i odvođe na postrojenje za tretman otpadnih voda a zatim, preko okna za monitoring, ispuštaju u rijeku Bosnu. Onečišćene oborinske vode sa radno-manipulativnih i saobraćajnih površina prikupljaju se sistemom slivnika, linijskih slivnih rešetki, revizionih okana i kanalizacione mreže i odvođe na separator masti i ulja, sa prelivom prečišćene vode u rijeku Bosnu.

Krv se prikuplja u fazi klanja i odvodi do namjenske hermetički zatvorene cisterne. Animalni otpad se odlaže u namjenske kontejnere. Odvoz i krajnje zbrinjavanje krvi i animalnog otpada povjerit će se ovlaštenim firmama.

Svi radovi na izgradnji Sistema prikupljanja i tretmana tehnoloških otpadnih voda izvedeni su u skladu sa projektnom dokumentacijom na osnovu koje je od strane ove Agencije izdato Rješenje o vodnoj saglasnosti broj: UP-I/25-2-40-575-4/16 od 29.11.2016.godine.

Za predmetni kompleks podnosilac zahtjeva je ishodovao upotrebnu dozvolu a u toku je procedura za ishodovanje okolinske dozvole.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog proizvodno poslovnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva, Mesarski obrt mesnica «Pašalić» vl. Amir Pašalić ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta predmetnog objekta, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-I/25-3-40-298-2/21 od 06.08.2021. godine.

Podnosilac zahtjeva je uplatio upravnu taksu u iznosu od 70 u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

– Mesarski obrt mesnica «Pašalić» vl. Amir Pašalić
Ul. Maršala Tita br.61, 72 000 Zenica

● AVP Sava, ISV – Vodna knjiga

– Sektor 50

– Sektor 40 - arhiva

– Oglasna ploča - AVP Sava